

唐

詩

歸

詩歸序

選古人詩而命曰詩歸非謂古
人之詩以吾所選爲歸庶幾見
吾所選者以古人爲歸也引古
人之精神以接後人之心目使

其心目有所止焉如是而已矣
昭明選古詩人遂以其所選者
爲古詩因而名古詩爲選體唐
人之古詩曰唐選嗚呼非惟古
詩亡幾併古詩之名而亡之矣

何者人歸之也選者之權力能
使人歸又能使古詩之名與實
俱徇之吾其敢易言選哉嘗試
論之詩文氣運不能不代趨而
下而作詩者之意興慮無不代

求其高高者取異於途徑耳夫
途徑者不能不異者也然其變
有窮也精神者不能不同者也
然其變無窮也操其有窮者以
求變而欲以其異與氣運爭吾

以爲能爲異而終不能爲高其
究途徑窮而異者與之俱窮不
亦愈勞而愈遠乎此不求古人
真詩之過也今非無學古者大
要取古人之極膚極狹極熟便

于口手者以爲古人在是使捷
者矯之必于古人外自爲一人
之詩以爲異要其異又皆同乎
古人之險且僻者不則其俚者
也則何以服學古者之心無以

服其心而又堅其說以告人曰
千變萬化不出古人問其所爲
古人則又向之極膚極狹極熟
者也世真不知有古人矣惺與
同邑譚子元春憂之內省諸心

不敢先有所謂學古不學古者
而第求古人真詩所在真詩者
精神所爲也察其幽情單緒孤
行靜寄于喧雜之中而乃以其
虛懷定力獨徃冥遊于寥廓之

外如訪者之幾于一逢求者之
幸于一獲入者之欣于一至不
敢謂吾之說非卽向者千變萬
化不出古人之說而特不敢以
庸者狹者熟者塞之也書成自

古逸至隋凡十五卷曰古詩歸
初唐五卷盛唐十九卷中唐八
卷晚唐四卷凡三十六卷曰唐
詩歸取而覆之見古人詩久傳
者反若今人新作詩見已所評

古人語如看他人語倉卒中古今人我心目爲之一易而茫無所止者其故何也正吾與古人之精神遠近前後于此中而若使人不得有所止者也

明萬曆四十五年丁巳歲八月

朔日景陵鍾惺撰

詩歸序

春未壯時見綴緝為詩者以為
此浮瓜斲梗耳烏足好然義類
不深口輒無以奪之乃與鍾子
約為古學冥心放懷期在必厚

上既入之出之參之伍之審之
克之矣有教者曰公等所為
創調也夫變化盡在古矣其言
似可聽但察其變化特世所傳
文選詩刪之類鍾嶸嚴滄浪之

語瑟瑟然務自雕飾而不暇求
於靈迥朴濶抑其心目中別有
夙物而與其所謂靈迥朴濶者
不能相關相對歟夫真有性靈
之言常浮出紙上決不與衆言

伍而自出眼光之人專其力壹
其思以達於古人覺古人亦有
炯炯雙眸遙絙上還矚人想上
非苟然而已古人大矣注印之
輒合遍散之各是人咸以其所

愛之格所便之調所易就之字
句得其滯者熟者木者陋者曰
我學之古人自以為理長味深
而傳習之久反指為大家為正
務人之為詩至於為大家為止

務馳海內有餘矣而猶敢有妄
者言之乎嗚呼此所以不信不
悟而有才者至欲以纖與險厭
之則上若人之過也夫滯熟木
陋古人以此數者收渾沌之氣

今人以此數者喪精神之原古
人不廢此數者為藏神竒藏靈
幻之區今人專借此數者為伏
神竒伏靈幻之物而甚至以代
所得名之一人與一時所同名

之數人及人所得名之篇與篇
所得名之句皆堅守莊誦而不
敢颺言之不過曰古今人自有
焉論夫人有孤懷有孤詣其名
必孤行於古今之間不肖遍滿

窠廊而世有一二賞心之人獨
為之咨嗟傷皇者此詩品也譬
如狼烟之上虛空鳥：然一綫
耳風搖之時散時聚時斷時續
而風定烟接之時卒以此亂星

月而吹四遠彼彌為大家者終
其身無異詞終其古無異詞而
反以此失獨坐靜觀者之心所
失豈但倍也哉今之為是選也
幸而有不徇名之意若不幸而

有必黜名之意則難矣幸而有
不畏博之力若不幸而有必勝
博之力又難矣幸而有不隔靈
之眼若不幸而有必驚靈之眼
又難矣法不前定以筆所至為

法趣不強括以詣所安為趣詞
不準古以情所迫為詞才不由
天以念所冥為才恬一時之聲
臭以動古今之波瀾波瀾無窮
而光采有主古人進退焉雖一

字之耀目一言之從心必審其
輕重深淺而安置之凡素所得
名之人與素所得名之詩或有
不能違心而例收者必其人
之精神心可至今日而不能不

落吾手眼因而代獲無名之人
人收無名之篇若今日始新出
于市而從此誦之將千萬口即
不能保其誦之盈千萬口而止
必古人之精神至今日而當一

出古人之詩之神所自爲審定
安置而選者不知也惟春與鍾
子克慮厥始惟春克勗厥中惟
鍾子克成厥終詩歸哉

景陵譚元春撰

長洲吳士晉昭侯氏書

唐詩歸卷第一目錄

初唐一

太宗皇帝

帝京篇

秋日敕庾信體

首春

月晦

詠雨

詠桃

章懷太子

黃臺瓜辭

虞世南

蟬

魏徵

述懷

楊師道

奉和夏日晚景應詔
還山宅

馬周

凌朝浮江旅思

李百藥

火鳳詞

王績

石竹詠

田家

採藥

在京思故園見鄉

人問

野望

過酒家

朱仲誨

答王無功思故園見鄉人問

上官儀

入朝洛堤步月

王勃

詠風

銅雀妓

別薛華

西下驛餞唐少

府

杜少府之任蜀州

仲春郊外

郊興

春日還郊

對酒春園作

林塘懷友

蜀中九日登玄武

山旅眺

盧照鄰

詠史

春晚山莊率題

駱賓王

在獄詠蟬

秋螢

樂大夫挽詞

于季子

詠漢高祖

楊衡

白紵辭

杜易簡

湘川新曲

劉允濟

怨情

韋成慶

南行別弟

省齋

擬古

從軍行

李崇嗣

覽鏡

喬知之

長信宮中樹

下山逢故夫

棄妾篇

苦寒行

定情篇

綠珠篇

哭故人

王適

古別離

蜀中言懷

薛稷

早春魚亭山

張循之

巫山高

吳少微

和崔侍御日用遊開化寺閣

哭富嘉謨

長孫正隱

晦日宴高氏林亭同用華字

唐詩歸卷一

終

唐詩歸第一卷

景陵

鍾

惺伯敬父

選定

譚元春友夏父

古吳劉

敦典生父重訂

初唐一

太宗皇帝

鍾云太宗詩終帶陳隋滯響讀之不能暢人取其艷而秀者句有餘而篇不足

○帝京篇

以茲遊觀極悠然獨長想

鍾云好起手

披卷覽前蹤撫

躬尋既往

鍾云語

望古茅茨約瞻今蘭殿廣人道

惡高危。虚心戒盈蕩。奉天竭誠敬。臨民思惠養。

譚云

衰龍

納善登忠諫。明科慎刑賞。六五誠難繼。四三

非易仰。庶待淳化敷。方嗣云亭響。

鍾云末語有侈心矣。始戒終溢。

雄生教態也

、、秋日敦庾信體

嶺銜宵月桂。珠穿曉露叢。蟬啼覺樹冷。螢火不溫。

鼠。

鍾云亦是陳隋巧以而意象玲瓏

花生圓菊蕊。荷盡戲魚通。晨

浦鳴飛雁。夕渚集棲鴻。

鍾云飛鴻棲雁作對好笑然初唐有之

颯颯

高天吹氛澄。下熾空

鍾云

○晉春

寒隨窮律變，春逐鳥聲開。鍾云妙語初風飄帶柳，

鍾云初風字新晚雪間花梅。譚云花字碧林青舊

竹，綠沼翠新苔。芝田初雁去，綺樹未鶯來。鍾云用

九得有

、月晦

晦魄移中律，凝暄起麗城。罩雲朝蓋上，穿露曉珠

呈。笑樹花分色，啼枝鳥合聲。譚云合字有身分妙

不覺纖砌披襟歡眺望，極目暢春情。

○詠雨

和風吹綠野。梅雨灑芳田。新流添舊澗。宿霧足朝
烟。雁濕行無次。鍾云妙。語真境。花霑色更鮮。鍾云鮮字雅。然字對此欣登歲披襟弄五絃。

詠桃

禁苑春暉麗。花蹊綺樹粧。綴條深淺色。點露參差
光。鍾云一字幻。如何仙嶺側。獨秀隱遙芳。

章懷太子

○黃臺瓜辭

鍾云深有漢魏遺音。妙於煮豆歌。

種瓜黃臺下。瓜熟子離離。一摘使瓜好。譚云一摘
 以下人再摘。使瓜稀。三摘猶自可。摘絕抱蔓歸。鍾云
 皆知之。再摘使瓜稀。三摘猶自可。摘絕抱蔓歸。鍾云
 若云四摘則極甚。且不可了矣。

虞世南

○
學

○蟬
垂綫飲清露、流響出疏桐、居高聲自遠、非是藉秋風。

譚云於清物當說得如此。○鍾云與駱丞清畏人知語。各善言蟬之德。

魏徵

○述懷

鍾云此已具盛唐之骨。離却陳隋滯靡想。

見其人。

中原初逐鹿，投筆事戎軒。縱橫計不就，慷慨志猶存。
杖策謁天子，驅馬出關門。請纓繫南粵，憑軾下東藩。
鬱紆陟高岫，鍾云出沒二沒望平原。鍾云出沒二古木鳴寒鳥，
空山啼夜猿。旣傷千里目，還驚九折魂。豈不憚艱險，
深懷國士恩。季布無二諾，鍾云深味水語戾羸重一言。
人生感意氣，功名誰復論。鍾云深味水語魏徵不死，鍾云深味水語建成之故。

楊師道

○奉和夏日晚景應詔

輦路夾垂楊，離宮通建章。日落橫峰影，雲歸起夕

涼。

鍾云五字滄秀深翠欲流雕軒動流吹，羽蓋息廻塘。鍾云息字靜

薙中生還綠，殘花落尚香。鍾云不暇典青巖類姑射，碧

澗似汾陽。幸屬無爲日，歡娛方未央。

○還山宅

鍾云聲諧氣暢法嚴全是盛唐矣。

暮春還舊嶺，徙倚翫年華。芳中無行徑，空山正落

花。

鍾云語有真氣初盛轉關之際垂藤掃幽石，臥柳礙浮槎。鳥散

茅簷靜。

鍾云王孟

雲披澗戶斜，依然此泉路。猶是簪

烟霞

馬周

○凌朝浮江旅思

太清上初日春水送孤舟山遠疑無對潮平似不

流鍾云空靜秀整初唐至此另開一境岸花開且落江鳥沒還浮羈

望傷千里長歌遣四愁

李百藥

○火鳳詞譚云妓名火鳳亦奇

歌聲弱後出譚云見妝影鏡中輕未能令掩笑何處

欲障聲知音自不惑鍾云艷情詩用經語妙得念是分明鍾云

妖字甚。莫見雙頻歛。疑人含笑情。

王績

○○石竹詠

譚云觀生詩。○鍾云亦是憂生。

萋萋結綠枝。曄曄垂朱英。常恐零露降。不得全其生。歎息聊自思。此生豈我情。管我未生時。誰者令我萌。鍾云達甚棄置勿重陳。委化何足驚。

○田家

鍾云說得不酸僂。只是一真。○譚云真至。可以開詩家氣運。

平生惟酒樂。作性不能無。朝朝訪鄉里。夜夜遣人沽。家貧留客久。不暇道精粗。鍾云寫盡貧士好客抽簾持益炬。拔簣更爇爐。恒聞飲不足。何見有殘壺。

○採藥

譚云甚朴。而叙致亦雅。○鍾云幽細而質。不礙篇法。

野情貪藥餌。郊居倦蓬華。青龍護道符。白犬遊仙術。腰鑱戊巳月。負鉦庚辛日。時時斷嶂遮。往往孤峰出。行披葛仙經。坐檢農皇帙。龜蛇採二苓。赤白尋雙朮。地凍根難盡。叢枯苗易失。從容肉作名。薯

豫膏成質。家豐松葉酒。器貯參花蜜。且復歸去來。
刀圭輔衰疾。

○在京思故園。見鄉人問。

鍾云只似家書。

旅泊多年歲。老去不知迴。忽逢門前客。道發故鄉
來。歛眉俱握手。破涕共啣杯。殷勤訪朋舊。屈曲問
童孩。衰宗多第姪。若个賞池臺。舊園今在否。新樹
也應栽。柳行疎密布。茅齋寬窄裁。經移何處竹。別
種幾株梅。渠當無絕水。譚云此句石計總生苔院問得不同
果誰先熟林花那後開。羈心祇欲問。爲報不須猜。

鍾云此句可住。行當驅下澤去剪故園萊。

、野望

鍾云淺而不薄。

東臯薄暮望，徙倚欲何依。
樹樹皆秋色，山山惟落暉。
牧人驅犢返，獵馬帶禽歸。
相顧無相識，長歌懷採薇。

○過酒家

有客須教飲，無錢可別沽。
來時長道賁，慚愧酒家胡。

胡。鍾云人知末二語之妙而不知從第二句生來。言此處可賁別沽則用錢矣。

朱仲晦

○答王無功思故園見鄉人問

鍾云此人非凡因思古人雖居村僻皆有
此等素友作鄉人居鄉無此非塵雜則寂
寞矣爲之永慨○譚云較無功問詩更有
力有情

我從銅州來見子上京客問我故鄉事慰子羈旅

色子問我所知我對子應識譚云真相知朋遊總

强健童稚各長成華宗盛文史連牆富池亭獨子

園最古鍾云此句舊林間新垌柳行隨堤勢茅三

看地形鍾云營手竹從去年移梅是今年榮渠水經

夏響石苔終歲青。院果早晚熟。林花先後明。語罷相歎息。浩然起深情。歸哉且五斗。餉子東臯畔。

上官儀

入朝洛堤步月

脉脉廣川流。驅馬歷長洲。鵲飛山月曙。鍾云森然蟬噪。野風秋。

王勃

鍾云王楊盧駱。偶然同時有此稱耳。非初唐至處也。王森秀非三子可比。盧稍優於駱。楊寥寥數作。又不能佳。其何稱焉。少陵

云王楊盧駱當時體。可破盲俗吠聲之惑矣。

○詠風

鍾云讀至此心眼始開。骨韻聲光居然一

李頎王昌齡矣。

蕭蕭涼風生。加我林經清。驅烟尋磴戶。卷霧出山

楹。去來固無跡。動息如有情。譚云子美詠物諸小

日落山水靜。爲君起松聲。譚云爲君字妙。待物如

並稱者爲無眼人矣。

○銅雀妓

金鳳鄰銅雀。漳河望鄴城。君王無處所。臺榭若平

生。

鍾云渾秀出脫。

舞席紛何就。

譚云三字生得好。

歌梁儼未傾。西

陵松檟冷。誰見綺羅情。

鍾云誰見屬君王身上裁妙。

○別薛華

鍾云此始成律。陳隋之習變盡。

送送多窮路。遑遑獨問津。悲涼千里道。淒斷百年

身。

鍾云此等語後人讀之爛熟。在子安實為創調。當為作者致想。

心事同漂泊。生

涯共苦辛。無論去與住。俱是夢中人。

譚云愁苦詩又喚醒人不

妙

○白下驛餞唐少府

下驛窮交日，昌停旅食年。相知何用早，懷抱即依然。
鍾云：高岑妙境。○鍾云：自古來惟詩人於交游有情如此。二語豈世上無意氣人所知。浦樓低晚照，鄉路隔風烟。去去何知道，長安在日邊。

○杜少府之任蜀州

鍾云：此等作取其氣完而不碎，直律成之始也。其工拙自不必論，然文有創有修，不可靠定此一派不復求變也。

城闕輔三秦，風烟望五津。與君離別意，同是宦遊人。
鍾云：渾海內存知己。天涯若比鄰。○譚云：襲者可成不熟。無爲在岐路，兒女共沾巾。

仲春郊外

東園垂柳徑，西堰落花津。物色連三月，風光絕四鄰。鳥飛村覺曙，魚戲水知春。

鍾云有聲有光

初晴山院裏

何處染蠶塵

鍾云通篇皆稱忽用此敗興語作結苟安之過最宜戒之

郊興

空園歌獨酌，春日賦閒居。澤蘭侵小徑，何柳覆長渠。雨去花光濕，鍾云雨去去字妙才於花光濕光字有情若直言雨則濕在花而不風歸葉影疎。譚云濕言光疎言影即不尋常山人不惜醉，唯

畏綠尊虛

鍾云

春日還郊

閒情兼默語。鍾云靜理。攜杖赴巖泉。少綠榮新帶。偷青綴古錢。魚床侵峴水。鳥路入山烟。鍾云如景。還題平子賦。花樹滿春田。

○對酒春園作。鍾云春園對酒便庸常矣。

投簪下山閣。攜酒對河梁。狹水牽長鏡。高花送斷香。譚云花高所以香。斷語極幽澗。繁鶯歌似曲。疎蹠舞成行。自然催一醉。譚云口角爽甚。非但閱年光。

鍾云此君五言古殊爲踈踏。惟詠風一首高妙。稍帶律意。至五言律數首。秀整泓淨。自出眼光。爲開元以來諸子元功。

、林塘懷友

芳屏畫春少，仙杼織朝霞。何如山水路，對面即飛

花。

鍾云境好。

、蜀中九日登玄武山旅眺

九月九日望鄉臺，他席他鄉送客杯。人情已厭南中苦，鴻鴈那從北地來。

盧照鄰

○詠史

譚云亦不離古人詠史體而開朗之中，眼力特高。

大漢晉云季小人道遂振玉帛委奄尹斧鑕嬰繒

紳。邈哉郭先生。卷舒得其真。雍容謝朝廷。鍾云五字寫得

林宗有身分談笑獎人倫。在晦不絕俗。處亂不為親。諸

侯不得友。天子不得臣。冲情甄負甌。鍾云藟藉之甚重價

折角巾。悠悠天下士。相送洛橋津。誰知仙舟上。寂

寂無四鄰。鍾云角巾競做仙舟虛慕本是一種快

在于此著悠悠二字妙甚末語孤嚴寫出李郭精神使浮人自廢

○春晚山莊率題

鍾云盧此一詩清潤可敵子安。此即其高

於駱丞處。

田家無四鄰。獨坐一園春。譚云語甚清老鶯啼非選樹。
魚戲不驚綸。山水彈琴盡。譚云盡字好風花酌酒頻。
年華已可樂。高興復留人。

駱賓王

○在獄詠蟬

予禁所禁垣西。是法廳事也。有古槐數株焉。雖
生意可知。同殷仲文之古樹。聽訟斯在。即周召
伯之甘棠。每至夕照低陰。秋蟬疎引。發聲幽息。
有切嘗聞。鍾云造語偏妙。何不移之於詩。譚云四六何必只用成語。然有文人之
四六。有詩人之四六。如幽息。俗
厚等語。文人而無慧業者。不能
豈人心異於曩

時將蟲響悲於前。聽嗟乎聲以動容。惠以象賢。
故潔其身也。稟君子達人之高行。蛻其皮也。有
仙都羽化之靈姿。候時而來。順陰陽之數。應節
爲變。審藏用之機。有目斯開。不以道昏而昧其
視。有翼自薄。不以俗厚而易其真。譚云有目斯
有翼自薄自字尤不可思議○鍾云俗厚厚字形容好笑。吟喬樹之微風。韻
姿天縱。飲高秋之墜露。清畏人知。譚云用來僕
失路艱虞。遭時微纒。不哀傷而自怨。未搖落而
先衰。聞蟬蛄之流聲。悞平反之已奏。見蟾蜍之
抱影。怯危機之未安。感而綴詩。貽諸知己。庶情

浴物應哀弱羽之飄零。道寄人知憫餘聲之寂。
莫非謂文墨取代幽憂云爾。

鍾云思理韵致。是四六中一篇小題絕佳
文字。

西陸蟬聲唱。南冠客思侵。那堪玄鬢影。來對白頭
吟。露重飛難進。風多響易沈。無人信。高潔。
鍾云三
字森挺

誰爲表予心。
秋螢

譚云此公詩極滯極拙。似此前四句佳者。
又以後四語不稱點之。則無詩矣。

玉虬分靜夜。金螢照晚涼。含輝疑泛月。帶火怯凌霜。散綵縈虛牖。飄花繞洞房。下帷如不倦。當解惜餘光。

譚云作螢詩。即想用。囊螢事非名手所爲。

○樂大夫挽詞

蒿里誰家地。松門何代丘。百年三萬日。一別幾千秋。返照寒無影。窮泉凍不流。居然同物化。何處欲藏舟。

于季子

○詠漢高祖

百戰方夷項。三章且代秦。功歸蕭相國。氣盡戚夫。

人。鍾云英雄定具深情。二語寫盡。○譚云盡之矣。多少論贊何用。

楊衡

、白紵辭

躡珠履、步瓊筵、輕身起舞、舞紅燭、前芳姿、豔態妖且妍、迴眸轉袖暗催絃、涼風蕭蕭、漏水急、月華泛、灩紅蓮、濕牽裙、攬帶翻成泣。鍾云訴出聲淚。

杜易簡

○湘川新曲

二八相招攜、采菱渡前谿、弱腕隨撓起、纖腰向舸低、自解看花笑、憎聳淙竹啼。鍾云只是不肯收典、其寔傷情。

劉允濟

怨情

玉關芳信斷，蘭閨錦字新。
愁來不自抑，念切已含
頻。鍾云添此一句反淺虛牖風驚夢，空床月厭人。鍾云五字
歸期倘可促，勿度柳園春。

韋承慶

○南行別弟

澹澹長江水，悠悠遠客情。
落花相與恨，到地一無
聲。譯云妙處全在不是說花

崔融

○擬古

飲馬臨濁河，濁河深不測。河水日東注，河源乃西極。思君正如此，誰爲生羽翼。日夕大川陰，雲霞千里色。所思在何處，宛在機中織。離夢當有竟。鍾云：幽不可動，八○譚云：當有二，愁容定無力。夙齡負奇志，中夜三歎息。拔劍斬長榆，彎弓射小棘。班張固非擬，衛霍行可即。寄謝閨中人，努力加飡食。譚云：寄謝閨人，有許多妙處，請如何以此就韻。

○從軍行

鍾云：作一首七言排律，看則妙。若看作歌。

行反減價矣。此有妙理，宜知之。○又云初唐七言律反難得如此流麗。

穹廬襍種亂金方，武將神兵下玉堂。天子旌旗過

細柳，匈奴運數盡枯楊。譚云新調活思關頭落月橫西嶺，

塞下凝雲斷北荒。漠漠邊塵飛衆鳥，鍾云飛衆鳥三字寫邊塵

入昏昏朔氣聚羣羊。依稀蜀杖迷新竹，髣髴胡床

識故桑。臨海舊來聞騾騎，尋河本自有中郎。譚云輕動

可法拙人當日誦之坐看戰壁爲平土，近待軍營作破羌。

李崇嗣

覽鏡

歲去紅顏盡，愁來白髮新。今朝開鏡匣，疑是別逢人。
譚云不離舊意，又開一想。

喬知之

○長信宮中樹

譚云醜態脫盡

婀娜當軒樹，芊芊倚蘭殿。色艷九春時，風搖五明扇。餘花鳥弄盡，新葉蟲書遍。零落心自知，芳菲君不見。

○下山逢故夫

妾身本薄命，輕棄城南隅。庭前厭芍藥，山上采藤

蘇鍾云厭字有用得新妙者言女厭鏡來窺鏡庭前厭芍藥是也空床月厭人又客厭江月又是一能春風習紈袖零露濕羅襦羞將憔悴日提籠逢故夫。

○棄妾篇

妾本叢臺右君在鴈門陲悠悠淇水曲采燕入桑枝不因媒結好本以容相知譚云真率亦趣容謝君應去情移會有離還君結縷帶歸妾織成詩鍾云兒女使性語妙此物雖輕賤不用使人嗤鍾云憤極

○苦寒行

胡天夜清迥孤雲獨飄揚搖曳出鴈關逶迤含晶

光陰陵父徘徊幽都無多陽

鍾云從古邊塞之苦在無多陽三字最堪

不得若云無陽苦反不極矣

初寒凍巨海殺氣流大荒朔馬飲

寒水行子履胡霜路有從役倦臥死黃沙場羈旅

因相依慟之淚沾裳由來從軍行賞存不賞亡亡

者誠已矣徒令存者傷

鍾云冤訟書○譚云徘徊處哀涼之極

○○定情篇

譚云比焦仲卿妻詩整定而其中亦有凄

苦過之者以不在事而在境也

共君結新婚歲寒心未卜

鍾云三

相與遊春園各

隨情所逐君愛菖蒲花妾感苦寒竹

譚云感

菖花

多艷姿、寒竹有貞葉。此時妾比君、君心不如妾。簪

玉步河堤、妖韶援綠萼。鍾云：作態。鳬雁將子遊、鶯燕從

雙棲。君念春光好、妾向春光啼。譚云：妙在春光二字。若春鳥春花則

於向字太痴。啼字亦不悲矣。詩趣在有無之間。如

此。鍾云：春色春光色字。光字意景不甚相遠。然

以入詩各有所宜。有君時不得意、弃妾還金閨。結

言本同心、悲歡何未齊。怨咽前致辞、願得申所悲。

人聞丈夫易、世路婦難爲。譚云：是女流始如經天

月、終若流星馳。天月相終始、流星無定期。長信佳

麗人、失意非蛾眉。譚云：是絕句妙想。廬江小吏婦、非關織

作遲。本願長作對、今已長相思。復有宦遊子、結援

從梁陳燕居崇三朝去來歷九春誓心妾終始蠶

桑奉所親歸願未克從黃金贈路人

鍾云將自已說作路人妙

妙許多疑婦意生此兩字

潔婦懷明義從泛河之津于今千萬

年誰當問水濱更憶娼家樓夫婿事封侯去時恩

灼灼去罷心悠悠不憐妾歲晏十載隴西頭以茲

常惕惕百慮恒盈積由來共結襦幾人同匪石故

歲雕梁燕雙去今來隻今日玉庭梅朝紅暮成碧

碧榮始芬敷黃葉已漸灑何用念芳春

鍾云怨

芳春

有流易何用重歡娛歡娛俄戚戚家本巫山陽歸

去路何長叙言情未盡桑已盈筐桑榆日及景

物色盈高岡。下有碧流水。上有丹桂香。桂枝不須折。碧流清且潔。贈君比芳菲。愛惠常不歇。贈君比潺湲。相思無斷絕。鍾云前段已怨極矣此復說自甚妙甚非深情人不能讀妾有秦家鏡。寶匣裝珠璣。鑑來年二人不記易陰暉。妾無光寂寂。妾至影依依。譚云此鏡妙語妾無二字尤生得妖冶今日持爲贈。相識莫相違。鍾云此却怨甚

○○綠珠篇

鍾云初唐詩題用篇字者如帝京篇明河篇等作其詩無不板樣獨此詩妙絕人不

可以無情。○又云石季倫不與綠珠不獨有情。自是俠性男子所爲。所以得墮樓之報。以此心施之君臣朋友。決不作負心人。持此用衆。秦穆食馬。楚王絕纓。得人效力。皆是此一副心腸。

石家金谷重新聲。明珠十斛買娉婷。此日可憐君。

自許。鍾云君自許三字。愛惜之甚。此時可喜得人情。鍾云得人情二字。盡

之妙。君家閨閣不曾難。鍾云看客語中。溫語氣。常將

歌舞借人看。鍾云似追悔見客語。鍾云歌舞借人看。自是快事。然接客亦須擇人。武

可不熟讀。意氣雄豪。非分理驕矜。勢力橫相干。鍾云

寫惡人恨之亦笑之也。○譚
云風流掃地溫柔無鄉矣。○
辭君去君終不忍徒
勞掩袂傷鉛粉百年離別在高樓。○譚云如此說墮
一代紅顏爲君盡。○譚云一代紅顏如于自負合七
字讀之不好色者亦短氣矣。

○哭故人

生死久離居淒涼歷舊廬。歎茲三徑斷不踐十年
餘古木巢禽合荒庭愛客疎。○鍾云愛客二字淒然
匪留彈罷劒床積讀殘書。○譚云該哭玉沒終無像蘭言
強問虛。○鍾云杜撰得妙平生不得意泉路復何如。○鍾云悲甚

王適

○古別離

簪歲驚楊柳。高樓悲獨守。今年芳樹枝。孤棲怨別離。
珠簾晝不捲。羅幔曉長垂。苦調琴先覺。鍾云采先覺淒
在。先字。今人所愁容鏡獨知。頻年雁度無消息。罷賞在。覺字耳。
却鴛文何用。織夜還羅帳。空有情春著。裙腰自無
力。青軒桃李落紛紛。紫庭蘭蕙日氛氲。已能憔悴
今如此。更復含情一待君。譚云不忍想。○又云已能更復叫應得多情。一
待君一字尤慘。○鍾云憔悴着能字淒然。

○蜀中言懷

譚云虛淡高婉。一氣清通。李頎常建不能過也。○又云是排律化境。覺百韻數十韻。

不惟不暇且不必

獨坐年將暮常懷志不通有時須問影無事則青

空譚云今之言詩者亦以此為晚唐乎棄置如天外平生似夢中鍾云

清蓬心猶是客華髮欲成翁跡滯龜途窘鍾云鬼

云五字律中又情乖路轉窮別離同夜月云五字律中

愁思隔秋風老少悲顏駟盈虛悟翟公譚云使事之妙如此

時來不可問何用求童蒙

薛稷

○早春魚亭山

春氣動百草紛榮時斷續白雲自高妙譚云白雲者高妙字

絕好徘徊。空山曲陽林花已紅。寒澗苔未綠。伊余
品題。人事蕭索。無營欲。客行雖云遠。玩之聊自足。

張循之

○巫山高

巫山高不極。合脊狀奇新。暗谷疑風雨。陰崖若鬼神。
譚云讀此真如入暗谷。幽崖中。惕人心骨。月明三峽曉。潮滿九江春。
爲問陽臺客。應知入夢人。譚云用得不矣。

吳少微

○和崔侍御日用遊開化寺閣

左憲多才雄。故人尤勗勵。護贈單于使。休輟太原

郭館次厭煩歎清懷尋寂寞

○譚云五字名士之言
○鍾云尋字甚微

西緣十里餘北上開化閣初入雲封間冥蒙未昭

廓漸出欄檻外萬里秋景燁歲晏風落山

譚云風落山非

老遊山清
客不知

天寒水歸壑

鍾云遊得有次第
却非逐步描寫

覽物頌

幽景三乘動玄鑰但敷利解言永用忘昏着

○哭富嘉謨

維三月癸丑河南富嘉謨卒予時寢疾於洛陽
北里聞之投枕而起淚沾乎衽席匍匐於寢門
之外病不能哭仰天而呼曰天乎天乎俾予曷
所朋曷有律曷可得而見抑斯文也以存乎哀

鍾云生擢有情太常少卿徐邳州刺史尹公

書徐元二舍人兵部張郎中未嘗值我不歎於

朝鍾云倒夫情悼之賦以寵亡也鍾云寵亡二字

惟遂為千古求其詞曰

吾友適不死於戲社稷臣譚云歎直祿非造和長

懷大庇人乃通承明籍遭此敦牂春藥蠲其可畏

皇穹故匪仁鍾云語直與疇管與夫子孰云異天

倫同病一相失茫茫不重陳子之文章在其殆尼

父新鍾云第二字用之字妙絕可法者鼓興幹河

岳貞詞毒鬼神可悲不可朽車情沒荒榛聖主賢

爲寶吁茲大國貧

長孫正隱

○晦日宴高氏林亭同用華字

鍾云此集詩凡數十首此作第一陳子昂

晦晚屬烟霞邀遊重歲華鍾云重字情深語厚歌鐘雖戚里

林藪是山家細雨猶開日譚云寫景入妙如開日

妙忽然得之者同深池不漲沙淹留迷處所巖岫

之用心詩人始知幾重花

卷一

唐詩

歸

終

唐詩歸第一卷

終